

ODLUKU

O RAZRJEŠENJU ČLANA-PREDSJEDNIKA OPĆINSKE IZBORNE KOMISIJE CENTAR SARAJEVO

Član 1.

Zbog isteka mandata ZVONKO MIJAN razrješava se dužnosti člana-predsjednika Općinske Izborne komisije Centar Sarajevo, sa danom 06.08.2011. godine.

Član 2.

Ova odluka stupa na snagu nakon dobivanja saglasnosti Centralne izborne komisije BiH, a bit će objavljena na oglasnoj ploči Općine Centar Sarajevo i "Službenim novinama Kantona Sarajevo".

Broj 01-49-1868/11
28. jula 2011. godine
Sarajevo

Predsjedavajući
Općinskog vijeća
Slaven Kovačević, s. r.

Napomena:

Centralna izborna komisija Bosne i Hercegovine donijela je rješenje broj 06-1-07-1-508/11 od 18.08.2011. godine, kojim daje saglasnost na Odluku Općinskog vijeća Centar Sarajevo broj 01-49-1868/11 od 28.07.2011. godine, kojom se razrješava član i predsjednik Općinske izborne komisije Centar Sarajevo Zvonko Mijan.

Ova odluka je objavljena na oglasnoj ploči Općine Centar Sarajevo 1.8.2011. godine.

Na osnovu čl. 2.4 i 2.12. Izbornog zakona Bosne i Hercegovine ("Službeni glasnik BiH", br. 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08 i 32/10) i člana 10. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Tridesetoj redovnoj sjednici održanoj 28. jula 2011. godine, donijelo

ODLUKU

O IMENOVANJU ČLANA-PREDSJEDNIKA OPĆINSKE IZBORNE KOMISIJE CENTAR SARAJEVO

Član 1.

Za člana-predsjednika Općinske izborne komisije Centar Sarajevo imenuje se ZVONKO MIJAN.

Član 2.

Ova odluka stupa na snagu nakon dobivanja saglasnosti Centralne Izborne komisije BiH, a bit će objavljena na oglasnoj ploči Općine Centar Sarajevo i "Službenim novinama Kantona Sarajevo".

Broj 01-49-1869/11
28. jula 2011. godine
Sarajevo

Predsjedavajući
Općinskog vijeća
Slaven Kovačević, s. r.

Napomena:

Centralna izborna komisija Bosne i Hercegovine donijela je rješenje broj 06-1-07-1-508/11 od 18.08.2011. godine, kojim daje saglasnost na Odluku Općinskog vijeća Centar Sarajevo broj 01-49-1869/11 od 28.07.2011. godine, kojom se imenuje član i predsjednik Općinske izborne komisije Centar Sarajevo Zvonko Mijan.

Ova odluka je objavljena na oglasnoj ploči Općine Centar Sarajevo 1.8.2011. godine.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), općinski načelnik, 19. augusta 2011. godine, verifikovao je i donio

ODLUKU

O KOREKCIJI REGULACIONOG PLANA "ČOBANIJA"

Član 1.

Utvrđuje se korekcija Regulacionog plana "Čobanija" ("Službene novine Kantona Sarajevo", broj 20/09), u daljnjem tekstu: korekcija Plana.

Član 2.

Korekcijom Plana, utvrđena je građevinska parcela za izgradnju stambeno-poslovnog objekta spratnosti Su + Pr + 2, na zemljištu označenom kao k.č. br. 1137 i 1138/1 K.O. Sarajevo VIII (novi premjer), kao i formiranje pristupnog puta za susjedne objekte koji se nalaze na zemljištu označenom kao k.č. br. 1139/1 i 1139/2 K.O. Sarajevo VIII (novi premjer), a prema sljedećim urbanističko-tehničkim uslovima, odnosno na način:

- regulaciona i građevinska linija suterena, prizemlja i spratnih etaža stambeno-poslovnog objekta definisana je u grafičkim priložima "Regulacione i građevinske linije" (list br. 2), "Situacija - planirano stanje" (list br. 3) i "Analitička obrada parcela" (list br. 4). Minimalna visina građevinskih linija spratnih etaža iznosi +4,50 m iznad kote pločnika;
- spratnost objekta je Su + Pr + 2 (suteran + prizemlje + dva sprata), a ukupna visina objekta u odnosu na kotu saobraćajnice (Ul. Ejuba Ademovića), ne smije preći max. visinu od 12,50 m. Max. BGP objekta iznosi 835,30 m². Parkiranje, odnosno stacionarni saobraćaj u okviru pazele;
- stambeno-poslovni objekat mora ispoštovati sve tehničke standarde, odnosno sigurno tehničke mjere koje su Zakonom propisane, kao i sve Zakonom propisane uslove zaštite prirodne sredine i okoliša;
- korekcijom Regulacionog plana "Čobanija" naznačen je i koloski pristup za susjedne objekte koji se nalaze na parcelama označenim kao k.č. br. 1139/1 i 1139/2 K.O. Sarajevo VIII (novi premjer).

Član 3.

Korekcija Plana sastoji se iz tekstualnog dijela i grafičkih priloga: Izvod iz Regulacionog plana "Čobanija" (list br. 1) R 1:1000, "Regulacione i građevinske linije" (list br. 2) R 1:250, "Situacija-planirano stanje" (list br. 3) R 1:250 i "Analitička obrada parcela" (list br. 4) R 1:250.

Tekstualni dio i grafički prilozi korekcije Plana, sastavni su dio Regulacionog plana "Čobanija" ("Službene novine Kantona Sarajevo", broj 20/09).

Član 4.

Korekcija Plana je radena za fazu urbanizma i separat "Analitička obrada građevinskih parcela" a obaveza investitora je da za faze komunalne infrastrukture i saobraćaja, izvrši usaglašavanje Korekcije plana sa idejnim rješenjima, koja su sastavni dio Regulacionog plana "Čobanija" te da pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana pojavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-1124/11
19. augusta 2011. godine
Sarajevo

Općinski načelnik
Dževad Bećirević, s. r.